



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XVIII. Scribit varios libros, De peccato originali, De gratiâ Dei, De libero arbitrio, &c.

urn:nbn:de:hbz:466:1-42857

scribens præter Synodicas epistolas, communi omnium voluntate, familiares quasdam literas ad B. M. Innocentium Pontificem Romanum. Itaque cum à celebratione duorum horum Conciliorum, totius Africæ Patres ad euellendum radicibus fibras Pelagianæ sectæ totis viribus pro se quisque incumberent; vnanimi sententiâ huius rei principem Augustinum sibi stauerunt. Quem ille laborem quâ solertiâ, quâque animi contentione sustinuerit, abunde scripta eius testantur: atque hoc sanè constat, quòd, quemadmodum aliis à se scriptis libris præstitisse scriptoribus ceteris iudicatur, ita hisce quos contra Pelagium elaborauit, seipsum omnino superasse videatur. Ad quorum excellentiam D. Prosper hisce versibus, de quibus infra latius, allusisse videtur:

*Istius ergo inter cunctos qui de grege sancto,
Insanas pepulere feras, industria maior.*

CAPVT XVIII.

*Scribit varios libros, De peccato originali,
De gratiâ Dei, De libero arbitrio, &c.*

AVDIERAT Pelagium exostulare cum Catholicis, quòd ab iis falsò traduceretur, tamquam Baptismi sacramentum
infan-

infantibus denegasset : quare Augustinus scripsit in eum De peccato originis librum, in quo & Pelagium erroris conuincit, libellumque eius apologeticum destruit. Quod idem effecit libris De gratiâ Christi à se editis. Dedit quoque epistolam ad Paulinum Nolanum Antistitem, quâ præpurgatos voluit (Paulino crediderim hortante) ad sanam Ecclesiæ mentem reducere, qui errores Pelagij, antequam esset publicè damnatus, ibidè commorantes imbiberât.

In eandem doctrinam libros octo elegantissimos exarauit contra Iulianum Episcopum Capuanum, qui Pelagiani erroris acerrimus defensor erat: ac deinceps annos complures hæreseos eiusdem nefandas reliquias est persecutus, quibus tandem infatigabili eius studio, à toto orbe anathema dictum, & ab Imperatore exilij leges sunt decretæ. Ceterùm eundem hætenus cum Pelagianis depugnantem, planè nouum, atque adeò contrarium certamen excepit, nempe aduersus eos qui liberum arbitrium penitus tollebant, omniaq; soli gratiæ Dei mortalium opera tribuebant, negantes extremo iudicij die secundum cuiusq; actiones præmia distributum iri. Pelagiani verò è diametro huic errori aduersabantur. Itaque quo vtrumque dogma falsitatis argue-

Infatigabili Augustini studio, Pelagianismo anathema dictum.

ret, duos scripsit Commentarios, vnum De gratia & libero arbitrio, alterum verò De correptione & gratiâ. Adiecitque duas Epistolas ad Valentium, & monachos Adrumetinos hoc errore imbutos.

CAPVT XIX.

D. Augustinus perpetuus hæreticorum malleus.

Cur D. Augustinus hæreticorum malleus.

QVAMOBREM meritò ab Ecclesiâ *perpetuus hæreticorum malleus* est vocatus. Vt namque malleo enses, hastæ, lanceæ, scuta, bombardæ, aliaque id genus arma bellica præparantur; ita præstantissimi huius Doctoris scientia vice mallei fuit Ecclesiæ, quo cusa sunt velut instrumenta bellica librorum, in eiusce contra sectarios defensionem. Ac quoniam diuersissimæ surgunt hæreses, etiam varia sunt armorum ipsius, id est, scriptorum optimorum genera, quibus armamentarium Ecclesiæ ad quæuis belli tempora copiose est instructum. Aut forsitan dictus est malleus, quòd in bello soleat vsus esse malleorum, in eos qui veniunt duplicibus armis contacti: siquidem ingens vis est malleorum, nam & ferrum quassant atque contundunt, galeas diffringunt, cerebrum excutiunt; estque eorum armatura, qui fortes atque lacertosi

cum